

**MIFF 2014 Catat Jualan Tertinggi Pada US\$892 Juta
Bernama**

7 Apr, 2014

KUALA LUMPUR, 7 April (Bernama) -- Pameran Perabot Antarabangsa Malaysia (MIFF) yang berlangsung pada 4 hingga 8 Mac lepas meneruskan kejayaan tahun lalu dengan jualan dianggarkan bernilai US\$892 juta berbanding US\$854 juta yang dicatatkan pada tahun lepas.

Pameran tahun ini mencatatkan peningkatan jumlah kehadiran pelawat sebanyak enam peratus kepada 19,472 termasuk 6,171 pembeli antarabangsa daripada 141 negara dan rantau, demikian menurut penganjurnya, UBM Malaysia dalam satu kenyataan hari ini.

Pada 2013, pameran itu berjaya menarik 18,397 pengunjung termasuk 6,054 pembeli luar dari 140 negara dan rantau.

"Hasil ini membuktikan pengukuhan berterusan dan relevannya MIFF sebagai pameran perdagangan perabot dunia terkemuka dan yang memberi fokus kepada hasil perniagaan di Asia Tenggara.

"Ia menunjukkan minat yang semakin meningkat dalam kalangan pengedar, perancang dan pembeli dunia yang mengiktiraf nilai dan fleksibiliti perabot Malaysia yang dihasilkan untuk komersial dan penggunaan runcit," kata kenyataan itu.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1028641>